



HISTORIJSKI MUZEJ
BOSNE I HERCEGOVINE
71000 Sarajevo, Zmaja od Bosne 5

Tel/fax: 00387 33 22 60 98
Centrala: 00387 33 21 04 16
E-mail: histmuz@bih.net.ba
Web: www.muzej.ba



DOCUMENTA
CENTAR ZA SUOČAVANJE S PROŠLOŠĆU

TRIBINA „Muzeji bez revolucije“

U petak, **19.4.2013.** godine s početkom u **18:00h**, u Historijskom muzeju Bosne i Hercegovine biti će održana tribina pod nazivom „Muzeji bez revolucije“, u organizaciji Historijskog muzeja Bosne i Hercegovine i *Documenta* - Centra za suočavanje s prošlošću iz Zagreba. Tribina se organizira u okviru programa obilježavanja proglašenja zgrade Muzeja nacionalnim spomenikom i pedeset godina od izgradnje zgrade Muzeja, kao i u okviru regionalnih studijskih posjeta mjestima sjećanja i stradanja iz Drugog svjetskog rata, koje *Documenta* organizira za sudionike iz Hrvatske.

Osnivani u socijalističkoj Jugoslaviji neposredno nakon Drugog svjetskog rata, muzeji revolucije imali su zadatak da prikupljaju, čuvaju i izlažu dokumente o „narodnooslobodilačkoj borbi i tekovinama koje su u njoj izvojevane“, da čuvaju i gaje uspomenu na narodne heroje i žrtve fašizma, i kao takvi odigrali su značajnu ulogu u promoviranju službenog narativa i državnih politika sjećanja Jugoslavije, te kreiranju društvenog pamćenja. Promjenu društveno-političkog konteksta početkom devedesetih godina dvadesetog stoljeća preživjeli su brisanjem revolucije iz naziva, proširujući se tematski i kronološki ili spajanjem s drugim ustanovama, čineći to na manje ili više uspješan način. Tribina se bavi transformacijom muzeja revolucije, propitivanjem njihove današnje uloge, odnosa društva prema prošlosti i socijalističkom nasljeđu i, konačno, prema muzejima kao mjestima sjećanja.

Na tribini govore:

Husnija Kamberović, Institut za istoriju Sarajevo

Rhea Ivanuš, Hrvatski povijesni muzej, Zagreb

Amra Čusto, Zavod za zaštitu spomenika kulturno-historijskog i prirodnog naslijeđa Kantona Sarajevo

Moderatorica: Elma Hašimbegović, Historijski muzej BiH

Documenta - Centar za suočavanje s prošlošću je organizacija civilnog društva iz Zagreba koja kroz različite aktivnosti radi na potsticanju procesa suočavanja s prošlošću, promicanju dijaloga i iniciranju debata o javnim politikama koje potiču suočavanje s prošlošću. Kroz projekt “Regionalna studijska putovanja na mjesta sjećanja”, koji uključuje seriju od tri obrazovna studijska putovanja po Hrvatskoj, BiH i Srbiji na mjesta obilježena traumatskim događajima iz razdoblja 1941. – 1945., nastoji se sistematski upoznati s praksama obilježavanja mjesta stradanja i komemorativnom kulturom u regiji, te poticati javni dijalog o kulturi pamćenja.

Kocka 50 je program koji je Historijski muzej BiH pokrenuo u 2013. godini s ciljem obilježavanja pedeset godina od izgradnje zgrade Muzeja i proglašenja iste nacionalnim spomenikom, a sastoji se od organizacije različitih diskusija, tribina, muzej marketa i drugih aktivnosti.